

krax keud kawn nyawm

youth's thought



Wa, Parauk

krax keud kawn nyawm

youth's thought

Cao Tiem Lih : A Shiex

Cao Pawd Riieng : A Shiex

Lox Lai Shiao : Lai Vax

Tei Khaing : Lai Been Akha

Cao Toe lih : SamLao Pao

Bawg Plih Lih : Bawg (1)

Khix Num : 9 / 2021

Author : Ah She

Illustrator : Ah She

Original Language : Akha

Translated Language : Wa

Translator : SamLao Pao

Edition : First Print

Date : Sep / 2021

Wa, Parauk

Myanmar

Copyright © 2021, Literature Department Of WBC, SIL

For permission to reuse, contact the copyright holder.



Didix kawn nyawm kix khrawm paox kum kawng grawng pui kuad pa koe daux meung heue. Baux yam in pui kuad kix ang lai tawng titix. Ang lai koe dee chix shiao ka kix. Baux yam in, mawh baux yam pingnya ex kawn nyawm hoik haok huan krax keud lhak haing uik heue. Mawh kheu nan hu sivoe kawn nyawm caw ti kuang meung ang lai kieh pui kuad kuang kix kum paox yuh nan heue.



Simiang mhong ka grawng pa kum
kix kawn nyawm tix dah khaing tix dah
heue. Kheu nan simiang kok ka cao cau
nawh mai kieh kix sawg nghiet rug kum
kawn nyawm grawng sang ah kuang ka
meung caw ang caw yuh nan heue.



Khaix hoek cao cau kix khaing sawg
nghiiet grawng kum kawn nyawm kix krai
ka simiang grawng mawh tete heue. Yam
an simiang kok ka kawn nyawm khankix
mai ah nin " Aux tawx bawgyam aliah
ngaix ka pex. Pex khawmuik caw ti yuh
maox ka mhaik tix kaux tix gawng. Phan
ang pon yuh aux sang sau pex laig daux
thawng " heue.



Khaix an simiang kok ka pui kuad
pa koe daux meung mai ang cu kieh kix
ing ka nyiex aliah heue. Yam an kawn
nyawm tix kaux kheu keeing nawh ang
mhawm caong kawx nawh ang tawx
keeing nawh hu ka simiang heue. Nawh
viex ti mox keeing nawh, daux rang daux
tiag mai tawx priex ih keeing tix ku ngaix
heue.



Kawn nyawm khankix kix ang pon yuh maox ka mhaik awm pa krai simiang heue. Kawn nyawm pa mox keeing tix daux rang nawh ah "Keeing aux ap in mawh bawg ghoik pon hoek ti tawx priex ih maix awx. Kheu yix kawn nyawm ang pon yuh kaing pa ah simiang nawh sang sau yix daux thawng uik" nan ka keeing nawh heue.



Keeing kawn nyawm "Kaing pa ang pex pon yuh simiang kieh pex yuh patix?" Kawn nawh "Keeing simiang kieh yix yuh maox tix kaux tix gawng ka mhaik heue." Yam mhong keeing kawn nyawm lox an nawh nyiah "Ha..ha..ha.." Yam an kawn nawh "Keeing mawh kheu patix maix nyiah ah ha..ha..ha.. ka yaox yix krax nu krax cien lie?" ah nan ka keeing tix heue.



Keeing kawn nyawm ah "Kawn aux maix paw khi rhawm. Phan hoek sivoe simiang maix ah yuh nin, maox mhaik pa kieh simiang aux yuh caw ti yuh koe mu ding mawx? Caw ti lang miex ding kawx kheu simiang ah krai aux ang tawng yuh. Simiang maix yuh aux yaox tix mu sivoe phaox" nawh gau kawn tix yuh nan heue. Kheu naog ngaix aliah ngaix simiang kok ka kawn nyawm, kawn nyawm an kawx deeh krai lox awm pa gau keeing tix ka simiang heue.



Yam mhong simiang ka lox kawn nyawm an "Pui mawx pa gau maix ah lox yuh nin, mawh pa keud cao maix lie? Maix lo ti krai ka aux tete. Phan rug krai tete aux sang tawx khawng phak ka maix" ah nan heue. Kawn nyawm an nawh krai grawh grawng sidawng uik ka simiang heue.



Simiang ah nin ka kawn nyawm uik
"Lox pa ah pex pui kuad kix ang tawng
ang chix titix yuh nan lud tete. Awm hoik
cheung pex kawn nyawm pui kuad kix
kawx koe dee cheung heue. Mawh kheu
nan ceu pa tawng pa chix pex mai ceu pa
tawng pa chix pui kuad phan kleuk mawh
tau nie haok huan meung, yaong ot mai
kudah kudee heue. Jah ngaix in paw iak
jhak ka pui kuad awx." Kawn nyawm
khankix "Hoik lud yix tete khyoix khaw
yix" kix ah nan mai kix ing ka nyiex heue.

